

Хугьнүнэ сүген

Гирд овъаринда: Фаридун Сидиков

Октябрь 10, 2019

сӱген нӱм

Тойират Зуро	3
Бойат сагира.....	4
Потхӱойат гадоийгар	5
Одил потхӱо.....	6
Савӱобчуй	8
Музадузат потхӱо.....	9
Хирадманд гӱиник	10
Заргарат вӱи пацен.....	11
Шозода Абрийа	13
Банги.....	15
Пинат Пат.....	17
Арай банги	18
Хирадманд муйсафед.....	19
Потхӱо духтарат хир шульва.....	21
Бойат камбагал	22

Тойират Зуро

Дар солойи сол дар вѣатойи вахт вудѣч на вудѣч йи потхѣо вудѣчат вѣинд йи вѣазир . Кисса кутѣо вѣеванд солойи дарѣоз на писарина сугат на духтарина . Хай , йи вахт вудѣч иди вев гѣинезѣенен сиц омила . Вѣадѣен хубатѣ тиц гѣевѣ . Йѣтѣчен йи чѣйанд вѣевард йи нахчир дичор сиц . Потхѣойи вѣедѣд вѣамти потѣят , йѣам вѣазирѣи ту лувч : э потхѣо тут нукс вѣамти потѣ вѣедѣд . Потхѣо кар чуд хо луди : тут ачаб дуно навудѣч . Ту мис мурд робари кини . Йѣу лувч : э потхѣо вѣузта турд ди лом иди маш гѣиненен омила , йѣа нахчир мис дисга омиланок . Там замунга аз маш хатѣоги нагѣчист ху маш зирѣотга йѣиранг насуд . Бад потхѣо лувч : тут ачаб аклдор навудѣч , чалди мурд налуви ата шич ага тунд ризин ца суд ту вѣам ху ризин му пуцард дѣа . Ага мунд ризин судат тунд пуц , вѣуз ху ризин ту пуцард дѣам . Ага тунд пуц ца суд вѣи нум дѣа Тохир , гац дѣа Зуро . Йѣу лувчи : башанд . Бад азеданд андизѣен ху тиен . Йѣаден йи чонди йи одам вѣевард лувд : э потхѣо , тунд ризин сатат вѣазиранд пуц . Хай вѣадѣ вѣи ху шарт . лувен камандам шарт ца чуд , ик вѣити гал .

Хай , пи чид фирѣпен ху , ху гѣиненард сур кинен . Кисса кутѣо вѣадѣ зирѣотен бе амдигар чаген ага ми вѣихѣтак тарамди йѣосен йѣам чагд , вѣи йѣосен йѣу чагд .

Хай , икдѣити вѣадѣ гула сенат , тару тарамат , вѣев вѣедѣен ар мактаб . Вѣадѣ хѣойенат гула сенат вѣев нанат татанд вѣев дил ик дисиди вѣадѣ бояд амдигарард фирѣпен .

Хай , метѣо вудиди Кароботин потхѣо ху хизматгорени римодѣч : тама сет потхѣоен дарборард сайл кинет . Чисет чидум хушруй ризин вед йѣадет пи му хез мурд лувет , вѣуз ик вѣам духтарина хурд хехѣи кинум . Вѣадѣ сарард хурд тухѣа муза кинен ху азеданд сафар кинен . Сен хѣар ба хѣар ногѣен , йѣаден ик вѣи потхѣо дарборанд . Тар вѣи дарбор дедѣен , вѣам вѣи ризин вѣинен , йѣа вѣевард хуш йѣодѣд . Вѣадѣ азеданд андизѣен ху тийен . Фирѣпен пи потхѣо хез , вѣирд накл кинен : ик дисга потхѣойанд вѣи ризинанд йи руй офтобат йѣивѣ матѣб , цирѣовѣ рангѣи тѣуд . Йѣу азеданд вѣамти ошик суг .

Азендийи сафар чуд , бе тухѣа бе инат ун . Андуйд ху туйд . Чули дѣод чулистуни дѣод , реги дѣод регистуни дѣод , аз тухѣнаги тухѣна , аз гухѣнаги гухѣна , аз маркаби ру пийѣодѣа , тар вѣи потхѣо чид фирѣпт . Йѣеданд потхѣойи ту вѣирд мемундѣори иззатдѣори хушѣомад барѣомади вѣи чуд ат йѣу тѣлаптовѣ йѣатѣч . Йѣу потхѣо бод или нохойи лувч : башанд . Хай дѣустен анчувд .

Азенди Кароботинард тахѣа муза чуд ху йѣу андуйд туйд чули дѣод чулистуни , тар ху дарбор фирѣпт , ба тахѣи ху нустат метѣо вуд иди Кароботин потхѣойарден вѣи чѣосусен лувд иди вѣам ту хисмензѣен потхѣо ху вѣазир пуцард чи дѣед . Йѣид Кароботин кар кихѣт ху хат вѣи потхѣойард нѣвишт иди ху ризинат авѣал мурд дѣодат шич йѣигара ца дѣадѣи вѣуз ту кати хафа сам . Ху аскар зем йѣадум ту нест кинум . Хай

йид вѝи хат тар потхо хез фиропт йу хойт йа ик дис нивишчин, йам аз сам нивишт: турден дуруг лувчатата вузта дис накинум. Хай, во ик дисга вѝи гидѝа хаб цифен, ху сараке вѝи сар ба дор тажен. Хай вѝи гидѝа пи дор тажен йа Зуройи ту гамгинат гамгусор суд на харч хирт, на гап дѝид. Метѝо фикр кихѝт ху лувд : вѝуз мис ху зинум. Йи метѝ суд аз ху тат хазинанди тиллот , сифѝат ханчар га хуча зездху аз ху тат пехѝт: а тат ту мурд йакбор ичозат дѝа , вѝузат му канизѝакен ар дев боген сайл савѝам . Йу лувчи :башанд . Бад йайат вѝам канизѝакен андизѝен ху тийен . Тийената йа вѝи тиллот сифѝ ху мутанд зездху тис кихѝт . Йилав дѝувдху лувд иди тама гал дѝуветата вѝуз таред самху йадум . Бад суд ху вѝи Тоир макбарати ху ханчар зездху дѝид ху кичанд . Вѝадѝ канизѝакен цунд чисен йа нист . Бад сен пи чид вѝам татард лувен йу цунд хѝикирт вѝам навиред . Потхѝо гамгини гамгусор , йи йичизатѝ ар вѝи ной насуд . Во вѝи сарард хѝикарен сен йа сиц Тоир кабарти ху ханчари зохѝч ху дѝодѝчи ху кичанд ху мигѝзѝ . Хай вѝам мис камандатѝ кинен манзилат , аз вѝев кабарти ишки печун руй дѝед , ху амдигарард суд зарвѝин . Ат Кароботин потхѝойарден хабар дѝод иди ту хисменч гузашта сат . Йу мис дисга гамгинат гамгусор судат вѝузум мис ба тахтат бахт фирипт шат маркабтиѝом савѝор сут то богеѝум йатат амирзода му маркаб подѝ соз чуд .

Бойат сагира

Вудѝч на вудѝч йи бой вудѝч . Йу лап маккорат фиребгар вудѝч . Йи гѝин вѝинд вициди бекорхуча . Авѝли вѝинд вудѝч лап гулла . Хунаенен виц дарун пи дарун . Биринчат руганат йогѝч пур вѝинд вудѝч . Вѝи гичид вудѝч пури мол .

Йи сагира ас саракинди то вегаеѝи кор римодѝчат ба серийи хидовѝ вѝирд надакчугѝч . Йи рузата вѝи сагирайарди лувч иди узат му гѝинта хѝумне мемунѝи савѝам . Маш йатовѝеѝ тар йи чо маса . Ик дис киниди дев молен кал аз сери ас вѝинирти сенчак масуд . Ди авѝли ик дис тоза киниди руган йамти тис ца кинен дѝактовѝ бофт . Дам дек зинийат, хѝаѝ аред ки , лап деѝат нахѝтид мак . Йид дивига ту дамти назибинтху . Ху дамти ди чувст кин , фамтато ! Йу лувд фамтум .

Вѝи йига метѝ вѝадѝ тийенат , йу суд моленард кихѝт вѝохѝ . Вѝадѝ вѝи тез-тез хенат ху кал во сенен . Йу бад лувд : йу бойи ца луд даѝ ху кал масенен , бад суд вѝев кал зезд ху рибизд ар вѝинир .

Вѝи авѝлийи фукатѝ зидудху , бади гулла-гулла хумдуненанд руган зохѝч ху чугѝчи тис йамард . Полчаки дѝидху бад йи мевадор дарахт кут кихѝт ху хуб лап йоѝ га дѝид пи вѝам дек бун вѝеѝѝд . Бад суд вѝи дивига кихѝт ху пи дам ху бад вист вѝи ху , нахѝтизд тар кучайат , пундтир йу бойат вѝи гѝин дѝен пи вѝиндир . Вѝадѝ вѝи пехѝцен , ту сагирайи шумат ди дивѝи тар ка равѝун чугѝч . Йу лувд вѝузум ту гаптир

чуд . Тут луд лак йид диви ту дамти чувст вед . Йаден дедъен тар ху чид иди авълийард фук руган тис , бой во въи куд дъидат йу лувд : йид айби му нист . Тунден арай хумдунанд руган вад , въадъен ик дунд фирипт . Бой ху дъу дъуст катир ху кал анчивд ху жехът-жехътир суд тар ху дек хез , йа мис аз каши фук об сиц . Дедъд тар гичид въев молен кал фук зохъчин . Йид сагира аз фурсат истифода кихът ху рицитът .

Потхъоят гадоийгар

Вудъч на вудъч йи потхъо вудъч . Въинд лап мол вудъчат , гулага мулк въинд вудъч . Йи гулайатъ каср въинд виц . Тарам ца дедъи , йа аз вач фук тиллот нукра кати ввицат , аз дарун фук йенакин виц . Ик въам касрийандийи ику потхъо зиндаги чугъч . Въам касрен навъкарен посбуни начугъчат йи гула куди въам посбуни чугъч .

Йи рузат йи гадо йодъд тар ди хъар . Йу дис магъзъунчат тухъна вудъч иди ол тар въи навудъч . А тик ди хъар мардум лап камбагал вудъч . Йу гадо цунд суд тар ми чойат цунд суд тар въи чой иди кок гардъа канд мис хурд навиред .

Ноилоч суд ху тар въи потхъо каср диви гев йодъд , хоихъ кихът тарам дедовъ , амо аз дасти въи куд навардъед . Бад чост иди аз магъзъунчги соф беол даравъ сид суд хо , ху кувъат чам кихът ху дедъд тар въам касрат , йу куд въити нидъафцт ху даравъ тидихът въи суд . Йеданд бад одамат айвун дъед сар суд . Йид потхъо въи хук уд садо хъинт ху нахътизд тар въев хез . Чост иди въи кудат йи одам гал дъед кинен . Йу йеданд въирофцт кароратъ ху въев тамошо сар кихътат , ди въахтанд въи гадо цем ди дъед ди потхъотирди йу ба чойи въи куд ай чидовъ , тар въев чостат писхандга въи гадо дъид . Въи гадоийанд въи кар сифинт ху ба цунд азоб йи мотъ виред ху ди дъид ди куд магъзард , йу куд въитийатъ ху чойти мирт . Ди въахтандат йид потхъо йодъд ху ди гадоийи бечора тар пиро въедъд . Кихът въи айбдор иди тут му куд зид , въузта мис ту ди хук уд чат зинум . Йид гадоийи бечора цунд зорги кихътат лувд иди въузум айбдор нист , йу потхъо нагирт . Бад йилав фикр кихът ху лувд : пас мунд йи шарт . Въузта ту аррангум хук уд ца хурунт , дисгата ту хурунум . Амо тута куд дастур дам му каср посбуни кини . Лак ту садо мис тар въинд мунанд вид . Ага рози насавъи въузта ту зинум . Йу гадоийи бечора ноилач рози суд .

Чандин вахтхо въи каср посбуни кихътат , рузо вид иди йид потхъо равъун суд тар шикор . Ди гадо мис амчун хук уд ху кати зезд . Бад сен ху хурд йилав сайл киненат , йилавга шикор киненат йу хъинезъак даравъ сид суд . Въадъ бад х учил чума висен ху равъун сен тар ху чойат аз дъаратъ чисен иди въурченен галайатъ от сат . Йид потхъо бад хъоч дъерт . Дунчат йид лап хъочичин вудъч . Ат ди гадора лувч : ту шич хуб чак . Йу чакчи чакчийат ик ди въахтанд потхъо тархудъм дъед . Йид ас фурсат истифода кихът ху ху шамшер аз гилоф зезд ху чактовъ бас кихът . Йид потхъо ага суд ху лувд иди ту чизард начаки . Йу гадо въам ханчар вирт въи нойти ху лувд : шич ту хубатъ

чак , ага начаки възта ту зинум . Йу потхьо чактат чактат вьадь вьурчен мис рицитъенат кариби каср йаден . Йид гадо вьи зинт йамандат хубать йодъд таред . Ху кихът ди мамлакатанд потхьо . Халкард ди замин кихът баробар таксим . Халк аз ди вудъч рози , зиндаги фукагъанд вудъч баробар . Ди мамлакатанд на шо вудъчат на гадо.

Одил потхьо

Кадиманд потхьо вудъч . Вьинден чил вьазир виц . Потхьо ху вьазиренард тиллот нукра дакихътат римед дев тар ху вьилойатениди чисет му каламравъард бенавьо , бечора , гадоигар , дузд мавед . Камбагаленард тиллот нукра дакет , дисиди кашшоки му райятанд мавед .

Дадъ вьазирен ди тиллот нукра аз потхьо хазинанди зенат хурд борго мозен . Бад аз пинзъ хогъ метъ йаден потхьорд диругать лувен иди ту халк фукагъ давълатдор , на дузд , на бечора нага йичай муздур .

Бад аз новъ дъист мест потхьо фикрийи чуд : йаст вьазирен мурд дируг лувенат въуз вьев гап бовъар кинум . Биди дис йиди въуз йакбор хубать тар ху хъар нахътим , озимуд кинум рост лувен йо дируг . Йи хъаб потхьо чанда пухъок пинизд хо карорать аз ху боргонди нахътизд . Потхьо тар йи гаждат танг куча равъун суд . Дунд чост цавор одам хъуп-хъуп вьи тар пиро каз ди тангат гажд куча тар фирох пунд нахътиен . Ху тар зибо чисен йи одам вьев дамти йодъд , вьадъ гир сен . Потхьо тар вьев хез фиропт . Йивъ аз вьев аз потхьо пехъцт : тут царангач одам маш дамти ца йади ? Потхьо мис вьев пехъцт : ат тамет царангач одам ? Машам дузден . Потхьо луди : въузум аз тама дузд ди .

Хоб йида , лувам тут дузд , дуздинди тунд чиз унар ? Потхьо во лувд : авъал тама ху унарен лувет . Йу йи дузд луди въуз буй фамум , чидум хунанди чиз йагат чиз нист . Йига дузд луди : арцунд баланд авъли ца вид въуз вьи тар тир зибанум . Йу йига дузд лувд : куд ца чакт , въуз вьи куд зив фамум йута чиз лувд .

Йига дузд лувд въуз хъабинди ар бегуна одам ца вьинум , метъин вьи отать фамум , кам одам мурд хъаб дичор сут . Йида маша мху унарен турд луд , ту мис ху унарен машард лув .

Потхьо луди : ага гинакор ба дор чидовъ ца сенат въузум ди ху кал чумбент , ак нист иде вьи ба дор кинен .

Дузденен луд : аро ху тунд хуб унар вудъч , пас маш амро ви . Потхьо рози сут ху равъунен сат . Ди хъарен ар цунд ца негъд буй фамич дузди луд : ми хъаранд буйи ободи нист . Охирарден тар потхьо сарот борго йат . Аз потхьо боргонди куд чакт . Дузд луд йид кудта лувд потхьо тама амро . Дузденен гахът тар потхьо йиди тут пас потхьо вудъч . Потхьо луди пас дедъет тар му борго , ар цунд бидийат лапди кочор възмин ца вед , мудаоти дъет . Йу зибанич дузд авли ттар тир зибуд , дивийи въевард йет чуд . Деден хазина бурчен рухът хо давъуми кирехътовъен чуд . Ар чидум възмин сандук тиллодор ца вад , потхьо ху пидами въам зохът . Потхьо хазинаен хелак цифт , тар йи бойен чой чуд . Йивъ ик аз дев дузденанд луди : дузди кин , амо ноинсофи макин . Бас лапам зохът . Дадъ дузденен дам бой аз пиро девъол чуд . Потхьоен ху мидъенанди въедъд баден хъовд . Дадъ цавор дузден тар худъ дъод . Потхьо аз дев мийунанди кароратъ андуйд , йат тар ху арам .

Дев дузден шич тархудъматъ лакамат , потхьо хазинадор сараки йат тар хазина чухъти потхьо хазинаенен въахт рухъчат въи молен цифч . Хазиначи ди хабари потхьора луд : потхьо хелаки шинт . Бади ху възирен кивъд , луди: хазиначита лувд иди хазинаен нур хъаб дъодъч . Потхьо ху възирен ху тар пиро въедъд . Йатен тар въи хазинайиде дузденен азаманд моли дунё фук цифч . Въазиренен ди въинт ранги мурчен дъод . Потхьо ху тахти нуст . Пиц гахът тар ху възирен , луди : у възирен тамет хер луд маш хъаранд дузди , кашшоки , бечораги нист , нур мурд малум сут му халк бенаво , бечора , гадойат дузд . Агар халк давълатдор ца , пас дуздет тама . Озиратъ сет х уму моли динйо вирийет ху вет тар мух азина ! Агар сугат му молет бади дъист соат ди навируд възта тама кал тар чап хъичандум . Озир равъун сет !

Дируггуй възиренен аз потхьо боргонди нахътойд ху арцунден дузд хъикуд навуден . Охирен аз хъарминдаги тар потхьо хез йатовъ навардъод . Потхьо дъист йасавъули хунд рубаро чуд : дузденен фалун чойанд , сет зезет въев , ар му хез въев варет , аргиз озор въев мадъет . Дунд лувет потхьо тама кивъд . Йасавъуленен сат чухътен въадъ дузденен тархудъм . Остайатъен въев ага чуд . Хо луден : потхьо тама кивъд . Дъу нафар йасавъуленен въи молти пайра ностат въадъ дигаен дузден ху тар пиро въедъд ар потхьо боргоен вуд . Дузденен тар потхьо хез дед , потхьорден салум чуд , потхьо тахт подъарден ху патевъд . Амо потхьойи въев луд : зинхор малол мавийет . Тамает йичиз гуно наччугъч , възта тама йицайатъ накинум . Потхьо ху одамени римод му мемуненард таум вет . Таумен вуд , дузденен таум худ . Девъунбегийи римод , башанд пухъок девард вар . Пухъокен въевард пинуйд хо курситийи въев недъд . Потхьо римоди му възирен кивъет . Потхьо одаменен сат . възиренен тар потхьо хез вуд . Въазирен аз хочати хъармандаги ху кал аз зимадъти сентовъ навардъиен . Потхьо аз ху възирени луд : эй аррум арач дузден цунд соланд му намак хет , му тиллот нукра хурд сарф кинет , мурд дируг лувет иди ту халк тавъуно , давълатдорат осойахъатъ зиндаги кихът . Нур хъабум хубатъ нахътуйд тамошом чуд , малум сут му хъаранд буйи обод инист . Бовъар накинет мадъ цавор чувъунен му гувъо .

Бад потхъойи элун чуд халкард , к-аз нуранд въазир ну мху дар забун мавет . Мадъ въазиренен дузд нахътойд . му моли динйоен ху хунард сарф чуд , му халкен бенавъо чуд .

Потхъо хазинаени йет чуд тиллот нукрайи ху халкард беисоб инъум дъод. Бад аз ди потхъо миннатдор сут , вьи хъар обод , вьи халк тавъуно сут потхъо луди : дузди аз бенавъойи суд . Дадъ дузд амроенен потхъонд ца вад , потхъо ар чидуми деварди дъуйуни хазина сипорт , дадъ дузденен рости чуд , луден : маш авъол ганда вуд , на хидовъард , на пинивъдовъард вуд . Дуздийам аз бенавъойи чуд .

Савъобчуй

Савъобчуй нум чорик вудъч . Рузо вид иди йут вьи гъинен пехъозти нисцат икеданд Савъобчуй охи сарди тижд . Вьи гъин вьи пехъцти , нала : тут чиз охи пурдард тижд ? Ту мурд лу , йаст вьуз турд йичиз хизмат кинум . Бади Савъобчуй дароз карор чуд ху най ху гъинард икрор йат . Нала вьузум дар синни 40-45 сугат ик диндирум йи кори савъоб начугъч . Вьи гъин дадъ аз вьи пехъцт : ту талаб дадъ аз му чиз ? Йу нала : тухъат муза мурд ких у вьуз ба кори хайр тим . Йайи фархъаст вьи инчум тайор чуд . Бади ху тухъа дъод ар капак . Савъобчуй ху гъинкати хайри хуш чуд ху андуйд ху равъун сут .

Чанд рузат чанд маал туйд . Бад йи бук вьирд аз пиро йат . Пи вьи буки зур чуд хо пи вьи кал сифид хуй и дахъти вьинт иди цем тар вьи нафиропт . Хелак чойга туйд , аз пиро вьирд йат чанор . Вьам чанор пибир йи чахъма вад. Йи муйсафед мот судъч хо , ху дами йаманд дъодъч . Вьи ворч вьи палинди вьирувч . Савъобчуй ди дъид пиршак , йу ворч кихът тур ху рицитът . Йид муйсафеди дахът тар дахът вьи ху ворч дамти чуд , амо вьи анчивдовъи навардъод . Ат САВъобчуйанд вьи зордъ танг сут хо хахъатъи аз вьи муйсафед кивъд , нала : ту йа ху дам ми сойайанд дъадъат , вьуз ди ворч турд анчам . Дадъ йу муйсафед йодъд вьи сойанди нитъгат , савъобчуй вьи ворч дамти кихът . Савъобчуй мис мотат мофа суд . Бад Савъобчуйанд вьи кар сифинт хуй и бак бурчи зохът ху йат вьи ворч пиронди ху ди дъид вьи цеманд , вьи цем букатъ нихъфид. Вьи муйсафеданд ди вьахтанд уллот фарйод сут . Луди : мунд му зиндагуни ик пи ди ворч вуд . тут ди цем чуд кур . Бад муйсафеданд вьи кар сифид ху луди : ти тар кози хез , ми цемат ца хъичефт , ми карзъта аз ту зем . бад Савъобчуй йосен пехъи кози . Пундандат сут йи маркабдор тар вьев амро . Йид бебаракат Савъобчуй во арцунд кихът йу маркабдор ху маркабти савъорсид ди налакихът . Аз зибо суд ху вьам дъуманд анчивд ху ди дъид дакан , вьам маркаб дъум зибинт . Йид маркабдор га мис суд Савъобчуйкати давъогар хуй у га мис тар кози чид вьи равъун кихът . Тар кози хунаен фириптит вьи соати кори пур судъч . Дадъен айрун ди Савъобчуй шич тар ка кинен .

Бади ту ди Савъобчуйен банд чуд . Кулфен ди ти чуд ху тойденат , йиди фикр чуд : възум аз ху мамлакат дъар дъод . Йид ворчдорат маркабдор таш пи банд му дъен . Бади чунадах чуд ху гуйо кугъзъ кихът ху нахътизд , ичизатъ асбоби навируд . Ат зибодарди кугъзъ чуд ху чуди зур ху пи дишид сифид . Пи дишид дис торик вуд , нала шич та хъо дастгир му кинен . Пигалтийен йи чорикат въи пуц хъевзъ . Савъобчуй ди зибинт, рост въи чорик кич ти йу ик въитийатъ бук . Йу въи пуц чост ар чай цайи въи тат кичти нихъпуд ху жехъто-жехъти туйд тар дарвъоза хез . Хай бади анчувд въи . Сараки чост въи тат въахт бук судъч . Бад сараки суд въи Савъобчуй дъусти анчувд ху тар кози хез равъун сут . Ворчдорат маркабдор кози хез лувен : фалуни Савъобчуйи айб чуд ху рицуст . Йид козита пехъцт : чиз гап сут : Дадъен ху саргузашт луд . Ат йид Савъобчуйи ху дъуст дъодъч тар ху багал ху чумбент . Кози гумуни чугъч йиди багер йичиз мол мурд вугъч . Ди въи чорик пуцардта лувд : въуз дадъ турд чирум . Йид мис ху кихът чидамат ту мис ди кич ти нихъпа ху тайор . Бад йид коз иди чорик пуцат, ворчдорат маркабдор кихът рухсат ху аз ди пехъцт : тар ту бат йичиз пора-морайо . Савъобчуй дъед шунч ху лувд : муча йичизатъ нистат , ага чазот му ца дъодъчат има ик ми ху мут катийум хуб ту дъодъчат ху зидъчатум ту . Козийи ас хъоч ди аз ху чиданд ай чуд .

Ида икди тир Савъобчуйанд въи кори савъоб малум нистат , арчизард дичор йа йатъч , гайри гандаги дига йичизатъ йордам въирд чидовъ навардъодъч . Дадъ йодъд тар ху гъин хез хо ик ди ху икойат фукатъ въамард кихът . Йа лувд : турд кори савъоб чидовъ насиб насудъч .

Музадузат потхъо

Йи потхъо фамтовъ хоихъ чугъч иди , въи въазирента царанг въи фармун ичро кинен . Йид потхъо ху въазиренарди амр чугъч : элун кинет иди мардум йи чиз кор макихът , хъабачев цировъ мапидъинен .

Въазиренен арз чуд иди фармунен элун чудат мардум въи бечунучаро ичро кихът . Потхъо камбагалуна пухъок пинизд ху хъаб тар хъар нахътизд . Аз йи куча хъаб нагъчистат въинтиди тар йи чид цировъ тъуд . тар въи чид хез наздик суд въи диви йет кихът ху садака тилапт .

Тар ди чид йи музадуз зиндаги кихът , йу нусчат муза анцивд . Йу гадо тар въи чид дедъдат йу музадуз аз ху чойти андизд ху въи гадойгарард гардъа дакихът . Йу гадо лувд : потхъойи фармун дъод ку йи чай кор макихът хъаб цировъ мапидъинт , чизчат ту ди ху потхъо амр ичро накини ? -Тут садака зохъч , лувд музадуз , шич ху пундтийатъ са туйдат . Потхъойи ик ди фармун ца зивъосч , йу аблах . Хубатъ фикр

кин , ага възта кор ца наकिनум , царангта въз зиндаги кинум . Възум камбагал одам .
Аз ху арруза кор цавор танга даромадат , цавор танга зарар възинум .

Потхьо ви музадуз суханенард йичиз чавоб надъид ху тизд тар ху каср . Йу потхьо ху
възирен тар ху хез кивъд ху лувд иди гумунум чуд аз одди одаменет окилдийат
дичатум тама ах възв чудо чудат мерубунийум аз тама дарег начуд . Шич савъол
тамард дъамиди възрд чавъоб дъет . Аз ху кор арруз цавор танга зарарат цавор танга
фойида вирийум . Тамард ара руз мулат дакум ага ди чавъоб налувет , йо ик въз
одамиди чавъоби му савъол йа фамт , навириет тама калта хъичандум .

Арай руз нагъчистат възирен чавъоби ди савъол навириен . Въадъ аз хъочи ди потхьо
кар чи рицитът савъениди ик ди възханд йи музадуз педьо суд . Арз кихът иди йу
чавъоби потхьо лувд : ба шарте ки възрд ик ди чат башанд туфа дакихът . Дадъ
възирен ди музадузард цавор азор танга дакен ху въз тар потхьо хез йосен . Йу
музадуз лувдиди цавор танга зарар въз дисга ба даст вам ; йи танга карз чат , йид
дуйум танга куна карз чат , ди сейум танга та арчо питемат ат ди чорум танга катирта
ху зиндаги кинум . Ик ди тангата хот ху гъинард сарф ца кини малумат , лувд потхьо ,
ат фамун иди дев ара тангага та тар ка кини .

Музадуз лувд иди : йи танга та ху пуцард дакум иди пирийанд му чост , ди дуйум
тангата ху татат нанард дакумиди въздъен мурд хурок дъодъчат гуллаен му чугъч . Ат
сейум тангата ар чо питем , яне ху ризин ди кати гулла кинум . Потхьойард ди музадуз
чавъоб макул суд ху въз хурд възир таин кихът .

Хирадманд гъиник

Потхьонд ала възир вуд . Въинд хишруй гъин вад .

Йи рузат потхьонд въз възири луд : а потхьо лихъкари маш кабал дъодъч . Потхьо лу,
сардори кабалат ту . Йу андуйд ху туйд тар дъедата , въз гъини ху чуд ру кантат му
канта ху зибад кунчанд . Каниз хабар дъодъч иди ту чорен потъ дъодъчат ту парвьо
мак тар заргарбача хез са .

Йа йат тар въз хез ху луди сифц мурд ва . Й уху кал насент . Дадъи йенак хурд вуд ас
пиро хуй у възинти възам ху сут ошик . Йа рицост ху тойд . Йам аз зибо сут , йа пиц
гахът ху чеди сентиди тут йи чиз мурд надакчугъч . Ат йид девъуна сут ху туйд тар ху
чид . Въи гъин охирард възрд луд : са тар възам чид ху пис възидъецатъ дедъ ар възам бог
ху чис худъм ту майост .

Йу суд дедъд арам ху дъод тар худъм . Йа въазир гъин йат ху бочаки чуд ар въи бист ху тойд . Йу сараки йат тар чид .

Дуйум руз во сут , пайраенен патевъд въамат въи чорик ар зиндун . Йам заргарбача гъин андойд ху тойд , сат пайраени чуд рози иди бандиенард хурок йест . Йид ху пухъок дакчуд въам въазир гъинард иди ца нахътийи гап мадъа х уса тойдат .

Въи сарард йаден тар потхъо хез йа гъиник андизд ху суд потхъойард лувд иди : эй потхъо , бийорам хъуд иди тар ту дарборта шелун дъадъен . Въузум ху чор кати сат ту пайраенен маш патевъд ар зиндун .

Потхъойи дев чуд озод ху въадъен тойд тар ху чид .

Заргарат въи пацен

Йи заргар вудъч . Въинд йи гъин виц . Заргари потхъора хизмат чуд . Рузо вуд, кор йеданд тайор сут . Андуйд туйд тар йига хъар тар потхъо хез . Ху гъинард лувч : Въуз цат им тунд ага пуц суд Беруз въи нум ки , ага гац суд ту дал вид .

Заргари сафар чуд , туйд тар хъари Миср фирипт . Тарам фирипт , потхъора сут хизматгор хо , ху заргарийи во давъум дъод . Бади дъу сол хизмат чуд ху рухсат хо аз потхъо сут . Йид потхъо лап хушчак-чак вуд . Потхъо аз ху хез ди тидовъ налакчуд . Луди : потхъо пас ик дис цасуд , сам ху гъинат зирйотен зем ху йадум ту хезанд нитъум . Потхъо рози насуд . Луди ик дис маслиат иди ху гъинард хат нивиш йа йодъд аруд . Ата йид ди туйд , динден сат дъу пуц . Йивъен дъод Уруз нумат йивъ Беруз . Въувдсолаен сатат въев нани дакчуд тар мактаб въев .

Гуладиен сат ху доиматъен ху татард хат нивишт . Хатварич йат ху дам хати дакчуд дам гъиникард . Йид гъиник дам хати хъейд ху , ди ху въиз въилуми фукатъ дакчуд . Ди ху чиди пардъод , бади пул хурд чуд хо , тайории сафари чуд . Йи рузи бад сафар чуд .

Чанд муддатен тойдат хабарен сат тар йи шарвидочлавен фирипт . Йид заргари заргари дам авъол хъуд ху аз потхъойи рухсат хоихъ чуд иди дам ху гъинард пироди ситовъ . Йид заргар мис хъабард дам шарвидочлавти фирипт . Йид гъиник мис ху зирйотенкати дам шарвидочлавти ност . Дадъ бачгалаен даравъ бози хурд сат . Дев нани хурд луд : хай нур нитъамат сарам бад тойд . Заргар йеданд ху намоз чи хъейдак судъч . Дичай и халтайанд тилло вудъч . Ху пици зинодъч ху ди ху халтаи дам шарвидочлавти

ринухъч. Бади ху намоз хъейдху бад вѣи байодъ дъод , йу йат пис вѣи халта . Цунди хъикуд ди чойи бинест . Цунд пи тир сут цунд тагов , ди чойи навируд .

Йаки бачгала садо ди тар гугъ йат . Вѣев хез йат ху пехъцти : му халтайанд тиллоет тама зохъто ? Вѣадъен луд : машам хабар нист , нафамам йу чиз . Бад ди кар сифид ху патевъди ар шарвидоч вѣев ху чуди чихъац . Дунд йу хъум сутат дадъ бачгалаен нист . Дев нан даравъ кивъд дев сат : уй Урузат , уй Беруз . Йид заргари дам садо хъуд хо йат тар дам хез . Йивъатъи чухът йид вѣи гъин . Байелаен тар йакдигар дъод . Луди му зирйотенен кайи ? Йа луди сатен бози ху галатъен нист . Йид чорик луди : вай му дар баста , вѣузум хо вѣев чихъац чуд . Цунден дев бачгала хъикуд навируден . Дам хъабен нивъд-нивъдат рух сут .

Ат йид шарвидоч хъаци дев бачгала вуд ху йивѣи патевъч тар йи тарафат йивъ тар йига тараф . Ик дам рузанд потхъо ху одаменкати йодъд тар гъевъ . Йивъатъ вѣи назар вѣехът шарвидочлавти йаманд гал йи кудак . Ху одамени римод , луди ку сет , йид царангач одам . Вѣадъен сат вуден вѣи пи потхъо хез йу гал зинда . Дадъи потхъо ди зохът ху тар ху хез . Хай баден табибен табобат ди даравъ чид сат . Йид потхъойи ди чухът , йид ик дис хушруй гидъа . Ат ди потхъонд зирйот навуд . Дийи бад зохът хурд пуц . Бади аз ди пехъцч : ту нум чай ? Йиди лувч Уруз . Потхъо лувч : Ту нум мурд муборорак суд , туйум ба фарзанди кабул чуд . Потхъо пехъцчи : тут царанг чихъац сут . Луди :мот му виродам бози чуд ху сатам чихъац .

Ас ди Берузен аз шарвидочлавти дузденд вируд . Чухътен йу зинда , дийен зохът ху йоден тар ху хез , иди гулла ди кинен , ху во йичирд пардъен . Дев додат нанен хуб нивъдху , луден машанд чиз зиндаги . Хойта марамат , хойта рисам . Чанд вѣахтата тар йи хъарен ху патевъд . Дадъен вѣи хъаранд ност . Луден : маш шич тар ка савъам , кудикандам нисц . Дев нан аз талвѣаса дига сафедгал сат . Ат йид заргар тар ху гъин луд : аз бозорти йи гулом зезам ху бор кор машард кихът . Заргар дадъ туйд тар бозорат вѣадъ дузден мис ди гидъа вен , ди заргаранд ди цем вѣити гарм сутху хариди вѣи чуд , ху вуди тар ху чид вѣи . Йаке дам гъиник назар вѣехът вѣити ху сат суц . Йид заргари луд : эй гъиник турд ца сут . Йайи луд : йидик ику му пуц . Баден байела тар йакдигар дъодат хушизорен сат .

Йикид потхъойи ди Урузи ца вируд , бади чанд вѣахт аз олам туйдат , диен недъд ди чойти потхъо хуй у ик дис боадолатат райятпараст потхъо сут . Дин ум афт иклиманд пан сут . Кид Беруз тар ху додат нани луд : сам тар ди потхъойи боадолат хез . Тар вѣи хъар хизмат кинум , пул тамард бозум . Дадъен рози сат . Ди ши часка фамт иди ику потхъойи боадолат му вирод .

Йу тар ди хъар фирипт . Потхъойи ди кабул чуд , хазинати вѣи чуд хазиначи . Бади дис башанд хизмат чуд . Бад дев алока мис йакдигар кати созди сут ху бо йакдигарен чак-чак чуд .

Йи метъат дадь виро дар ду пи ду рисен ху даравъ чак-чак сен . Потхъо аз гойати масти тархудъм дъед . Йид див ирод въам ди шамшер зездху ди калти въирофцт , гуйо йи йор тар ди хез майодъд . Дадъ потхъо пайраенен хабар сат хо , йатен ху чухътен хазинадор шамшеркати въи калти . Баден сам бар сам йат ху капен въи дъод . Сараки рух сугат йид потхъойи ху хазинадор сирок чуд , луди : тар ка йу сут ? Пайраенен йат луден : дусгайам найатъчат йуйи ту кал зохъчат , ат въийам ар зиндун бохът . Ди додат нанен чухът ди дарак нист . Луден : въиен багер зидат , маш бор савъам . Баден йат тар ди хъарат тар ди чойен фирипт . Въев пайраенарден луд : машанд тар ди потхъо хез кор . Въадъен въи пехъч , лувчи башанд , там дедъен , дадъен дедъч тар потхъо хез . Йуйи лувч : тамает аз ка йат тар кает равъун . Дадъен дадь ху накл даравъ чид сат . Дадъи йид гъиник ху накл даравъ чуд . Луди мунден дис пацен вад , ху дев нумат фуки лувчат , бади лувч въадъен чихъац сат . Бадам въи йивъ вируд , йу йат таруд ху шич нист . Потхъо лувч : Мунд мис му нум Урузат акикат лувет йид царангач кор . Бад йид дев тати ик дис накл чуд . Луди ху въузум тама нафамт ху патевъдум тама ар хъац . Бади лувч . Въузум мис пас ику тама пуц , баден байела тар йакдигар дъодъч . Въи йигаен мис аз зиндун кивъд ху байелаен тар йакдигар хез сат ху ба тахтат бахтен ност .

Шозода Абрийа

Йи потхъо вудъч хъари Ачаманд . Дис потхъойи боадолат вудъч иди фук райиат аз въи хухънуд . Рузо вуд андуйд сут сайли йат йи чондир йи бача гал пундир , потхъойи въи чухът ху лап хуш въирд йат . Ди потхъойанд фарзанд навуд . Зохъти ба фарзанди въи хурд , ди бача нум вудъч Абрийа . Ат йид мис потхъобача вудъч . Дадъи ди чуд гулла ху ба цунд адаби илми шамшербози омухта чуд .

Рузо вуд йиди ид гулла сут ху тойден тар шикор . Фана одаменен потхъо кати вад , ху баден сат , йи манзарайанд , фана нахчиренен вад . Йид потхъо ху цани зохът ху въев нахчирен дамти сут . Йид ди фарзанд цавуд аз акибди ди потхъо вуд . Бади йид потхъобача потъ ди въедъд въев нахчиренти , йу потъ йат ху ангихт потхъо гугъти . Ди потхъо кар сифид ху ас ху одамени луд : анчет ди йид духъман вудъч . Йид потхъобача лувч : Въузум бегуно въузум нахчиренти въедъд . Ага ту му гуно бахихъ кини , Худъой во ту гуно бахихъ кихът . Дадъи потхъочуд ди гуно бахихъ .

Рузо вуд кид Абрийа ца вуд , ди тат Абашистун потхъо вуд . Ку ди тат ху въазири луд : нала му пуцик тар дисга чойат въи видовъ даркор . Бади йи марди хушруй , далер , рошиноси въирд възиз чу ху туйд тар въи хъар бозургуни . Йу цунд хъабунаруз туйдат тар ди хъар фирипт . Йат ху дукуни ороста чуд ху даравъ савъдо сут . Йедардта савъдогари кихътат ди гидъата мис карор-карор хъикирт .

Рузо вуд ди потхьобача катийи алока чуд . Чанд въахти дусту вѣи кати чуд хо , йи рузи тар ху дукуни вѣи таклиф чуд . Дадѣи луд : йид ту тат нист , ту тат Абашистун потхьо . Йуйи му пис ту римод , ага хоихъ тунд вид въуз ту фирепум . Дадѣ йид гидѣа рози сут . Луди : башанд , ата ик дис тийам йичай аз маш хабар мавид . Дадѣ марди айор сандуки чуд , вѣами чугъч кугъзъ . Дадѣи ди гидѣа вѣедѣд ар вѣам сандук . Вѣам сандуки чуд хьитурти вѣиз ху , хѣаб туйд .

Йид потхьо сараки сут хабар иди йу гидѣа нист . Йу лап ди живѣч вуд . Ар сари то буса ди начуд дис ди чун осойахъ начуд . Дадѣи чухът Абрийа нист ху фармуни дѣод : Абрийа нист ! Въузум нур вѣи навѣинч . Цунден ди хѣикуд навируден . Дадѣи ху лихъкаренард фармун дѣод , луди : ар хѣар хѣикарет , берун аз хѣар хѣикарет , йаст йи чайи вѣи цифт . Цунден вѣи хѣикуд навируден . Потхьо лап хафа сут вѣи чат , йуйи цунд чуд бе вѣийи токат навардѣод . Дадѣи луд : кихъти зем сам сайл , йаст йид малоли аз му диланд канта суд . Дадѣ кихътити туйд .

Чанд въахт туйдат вѣи кихъти вирахът . Йуйи бад йилав тахтапора хѣикуд , вѣийи вуд хо , ху пунди давѣум дѣод дам дарйоти . Йид аз магъзъунчи бувѣухъ сут ди тахтати ху вехътат , йид дарйо хѣаци ди ик дити зохът хо йоди ди . Йи чондийен мардумен аз дарйонди чавоир зивѣост . Баден дадѣ вѣи вѣинт . Йид бевѣухъ . Дадѣен шарбат вуд хо ар ди ноен чудат , диен ба вѣухъ вуд . Дадѣен ди пехъцт : тут ас кайат тар кайат равѣун? Луди въузум ба бозургуни равѣун вуд му кихъти вирахът . Луди : йам чидум хѣар , въузум куданд ца йат . Дадѣен луд : йуданд Абашистун .

Йид дадѣ андуйд ху тар хѣари Абашистуни даромад чуд . То таред фирипт , йид хѣум сут . Йичай динд нистат ху чойдод мис навѣизент . Йат йи айвѣунхунайанд ху ред . Ик ди хѣабен дузден таред йат дузди . Йид лап хахъ мот вуд . Вѣадѣен ди айвѣун фук кухъчат дирд мис йи катрайи хун чудъч . Сараки сойби айвѣун йатъч ди айвѣун нист , ат дийи анчувд хо кап иди дѣодъч ху тар потхьо хез , луди : эй потхьо йами му молен цифт . Дадѣи луд : ту чизард дузди кини , ту амроенен кай ? Рост мурд лув . Йу лувд : въузум дузд нист . Бади ди ху саргузашт накл чуд . Дадѣ потхьо лувд : йосет ар зиндун дийат окибатардта лувд . Ат ку ди пуц Абрийа ху тат хезанд вудъч .

Йи метъ ди потхьойард ар зиндун йосен авѣкот . Йуйи вѣи ситхун зохът ху чуди цанак . Ат хурн йат ху ди зиндун девѣолти ност . Дадѣи йид луд шич ага дам хурн дим , аз зиндунта халос сам , агар най абадум ред аруд . Кид Абрийа йеданд ворчти савѣор сут ху ди давѣра йат тар зиндун хез . Йам потхьо ху ситхун вѣедѣд , йу дѣед Абрийа гугъанд . Ди гугъард хун тиздат луди : бандиенен му дѣод . Йу потхьо дадѣ тар газабат кар сут ху йат . Луди : въузум дам вѣедѣд , амо аз шозодайум навѣинч . Ди потхьо кар сифид . Луди: эйбеадаб . тут царанг , тут дузди чуд , войат му пуц гугъ зибент , ту сазоташ турд дѣам .

Дадѣи луд : въузум бегуно . Въузум потъ вѣедѣд , шозодайум навѣинт . Потхьо луд ди мис йрсет ди гугъ хѣичандет . Сен вѣинд вѣи гугъ нист . Йатен потхьорден луд : вѣинд

вѝи гугъ нист . Луди таруд вѝи вет . Бади потхъо аз вѝи лувч : ида тут дузди чугъчат ту гугъенн хъичухъч , ида ту дузди исбот сут . Йиди луд : эй потхъо вѝузум бегуно , мундик дис фарзанд вуд , вѝи нум Абрийа . Вѝузум вѝи ас ху чун бехъди живъчат . Йи рузам маш сат шикор хо йуйи вѝедъд нахчирти потъат , йа дъод му гугъанд , му гугъ зибуд . Вѝузум хоихъ чуд зинум вѝи . Йуйи луд вѝузум бегуно , му гуно мурд бахихъ ки . Луди вѝузум вѝи гуно вѝирд бахихъ чуд . Вѝузум вѝи лап живъчат , йу бед хо вѝузум ас дилтанги туйд тар сайли бариди шойад икам зики ас му диланд нахътизд . Дадъ му кихъти вирахът , вѝузум тахтапорати ред . Гавъвъосенен му зивъост тар пали ху , вѝузум айвъунхунахез ред . Йида бадум вѝехът ар зиндун . Потхъойи укм дъод : Абрийа ку кивъет , кид ди гап ку росто дируг ? Шозода йат , кид акикатан ику потхъо вудъч . Бади патевъд ху тат подъенард ху , хо лувчи : э тат икид мис му тат вуд . Дадъен баела тар йакдигар дъод ху сурен анчувд . Бад аз чанд вѝахт йу потхъо йат тар ху чойат макун ху ба тахти потхъойи нуст . Йид Абашистун потхъойи вѝирд цунд зарат зевъарга дакчуд , хо йу ба тахтат бахтатъ нуст .

Банги

Йи чорик банги вудъч . Бангийанд йи гъин виц . Ас ху чуни ширини вѝам бехъди живъч . Ата дар интизори вѝам вуд , чиз фармунта дъид , кор вѝамард кихът . Бадата чан друз вѝев зиндаги ба хуши нагъчид . Бад ас дийи ди гъин ди хосийат вируд . Динд йичизатъ нист , нокобил , даромади хуна нист . Вѝам ди гъин мана мисс уст сут . Бад йид ди гъин даравъ цихъгапи дирд сат . Йи метъат вѝам кар сифидъч хо лувчи : э бебаракат , вѝуз лум тут багер бойи . Тут йичизатъ хурд наводъч . Вѝузта ас ту нахътийум ху заргарардта чорум . Вѝам чори вѝам гап хъуд ху зик сут . Вѝи гугъенен ност ху бад фикр сар кихът . Бад йи метъ вѝи гъин талвъаса вѝи анчивд . Бад андуйд ху сут тар ху бог , фикрийи чуд царанг кинум иди дам гъиник аз даст мадъам . То вегайард вѝи фикр барчой сут , луди сам бор йи чидум бойард хизмат кинум , йичизбор вѝамард вам . Бад йат тар ху гъинхез ху луди : башанд фикрийум чуд . Йа луд хоб ку лув . Луди вѝуз сам йи бойард йо потхъойард хизмат кину мху турд башанд пухъок вам . Вѝи гъин луд : аз ди бидига фикр нист . Йа ди гъин ди гап кабул чуд . Бади йилав чархи дъод ху луди : дам дилум вируд .

Бад ас ху гъини луд : кулча пизъ ху вѝуз хъумне сафар кинум . Йайи бад хъац чуд ху хамири чуд . Ар вѝи ху хамири зар аралаш чуд . Луди лак судат йатовъ майодъд . Бади вѝи тухъа дъод ар мешок . Дам хъабен кати редат , сараки йа вѝикати чойи бирохът ху рухсати вѝи чуд . Йу мис мешок тар дам дъод хо , ху гъин катийи хайрухуш чуд ху туйд .

Бади чанд вѝахт йи чахъмалавти фирипт . Ху тухъайи рибуид жиргалти хо хубатъ чахъмалавти нуст . Йид пис пундатъ тар фана чиден дед хо авъкоти мис худ ху дунчати

ху тухъа нахуд . Чахъмалавтийи дам банг тепт ху дьоди дам хо , сут шилиг . Чипалийи ху чуд ху пинакийи въи йод . Йи чорик йаманд потхьо филен чост . Йу сар гулла фил йат ху ди тухъайи худ , дусга кулчайи худ ху даравь лагъзъент въи . Йид банги ас ху чойти андуйд хо йат тар ди фил хез , мути тижд дьоди ди фил йид зьумбилак . Йу филбуни ди вьокеа вьинт ху айрунать ред . Луди : вьузум ик дис бачамард навъинч . Бади йид филбун токи тар бист дьодтар потхьо хез ху луди : эй потхьо дисга чорик йат ху въи сар гулла фили дьод , йу вьитийать муд . Потхьо айрунать ред , луди : филбун дируг лувд . Бади одамен римод , луди ку сет . Вьадъен сат , йу фил вьехъч . Йатен ху луден : эй потхьойи олам , азор маротиба филбун гап рост . Лувчи : сет въи бегуна мард зет ху вет таруд . Зохъчен ху вугъчен въи потхьо хез . Потхьойи пехъцч : тут ас ка ? Йуйи ху аслат насаб чугъч ху лувчи : ай потхьо , вьузум ганда кор чугъч . Филум дьод йу муд . Лувчи : турд бахихъ , тут палавъун , ба палавъуни ту кабул ца кинум царанг ? Лувчи : бале . Бади потхьо лувч : ту нистат андид му хезанд . Банги луд : най , мурд йуданд бесавьоб . Мурд йига чой холи кинет , вьуз сам . Хай чойен вьирд холи чуд . Йу луд , ас ми бидига чой нист . Лувчен : чиз талабга тунд ? лувчи : банг мурд вет . Баден банг вьирд вугъч , тижчи ху тархудъм . Лувчи : йам има зиндагийат , ас вьам бебароакатьум халос сут .

Йи рузат потхьо пи ху хез въи кивъд , пехъцти : чиз хизмат ? Лувчи шичта лум . Потхьо луд : эй банги , му хезанд йид чангал ца , ар дам агъдал , йид ас одам ца анчивд , аф въи тожд . Ага вардъийи йакбор вьам агъдал кати дъед кин . Ат банги лувд : вьузум палавъуни забардаст , ас му дьуста царанг найодъд . Потхьо лувч : нур са ху дам дъа , сараки ху тайори кин . Банги андуйд тар ху хуна сут ху даравь зактовъ сут , иди вьузта шич царангум . Фил ху чизти муд , вьузта шич дам агъдал кати чирум . Дам агъдалта ца навардъм зидовъ , йата му аф тожд . Сараки сут , банги андуйд хо сут тар потхьо хез . Потхьо ас фук мамлакaten палавъунен чам чудат банги дев робар . Баден сиц пи агъдал хез , дигаенен вьам вьинч ху рицисценат , банги лувд мурд му калтакать бас , вьузум хер палавъун . Бад банги токать равъун сутат , халк луди : йидта зинда найодъд . Банги тар вьам чингал баромад чудат йа агъдал въи цур-пури хъуд хо йат пи въи хез , гургъди вьити . Банги саманд сифид пи дарахт нул . Йа агъдал пи вьам дарахт зур чуд . Банги дилкаф сут . Луди : муташ аф тожд . Въи дьустат подъта лагъзъаен , въи калтак хато сут ху ар вьам ной хуй а зьумбилак ху дьод . Бад банги хавд ху дьугайи вьам дьод въи калтак хунинат йат ар потхьо хез . Потхьо пехъцт : царанг ту авьол ? Мот агъдаланд мусобика вуд . Бад царанг ? Дис калтакум вьам дьод , ас чун бечун сат . Халк айрун , потхьо римод , ку сет чисет йид ди гап росто ? Чухътен акунийать йа агъдал мигъзъин .

Баден лувч : банги гап сад маротиба рост . Бади йига потхьо аз ди потхьо лувч : тун дик дис палавъунат , хьумне йадет йи кастингири кинам , ку чай зурди . Машам хъуд , тунд нала ик дис палавъун фили мут дьодъч , йу ик вьитийать мугъч , агъдали калтак кати зидъч . Лувчи : сад маротиба рост . Бади потхьо банги кати муслат чугъч ху вьирди лувч : дисга потхьо йат тар му хез ху нала ку савьам кувъаозмойи кинам , чай зурди . Ат ас банги пехъцт : царанг , кувъат тунд йасто най ? Лувчи : Бале , мурд цади .

Бад сут тар ху мала , банги тепт , йа тасиратъ вѣити накихѣт , дунчат иди ас сам . Бангийи луд : Фили зар худ ху муд , сут мунд нум . Агѣдаланд дѣод калтак ар вѣам ной, вѣити мурд сут ривѣоч .Ат потхѣо палавуненкати дѣед навардѣим . Банги вѣархато сут . Тар дарго сут йи гулла халтайи вуд , фук чизи чам чуд , аоами дѣод ху лувчи : ми бор вѣам бебаракат гѣиникард йосум , тар чид му лакихѣт. Баробархѣабат халтайи зохѣч ху равѣун сут . Ику потхѣо кувѣаозмойи чи чид цавуд , кубунанди дис лап хайма дѣодѣч . Лувчи икам ику потхѣо ху палавѣунен кати ца йатѣч . Вѣуз чир кинум . Банги пи йи пухѣта зур чуд хелак чой сифидат тахенен ас вѣи подѣ биранд чаранго-парангти вѣехѣт далилатъ нист . Потхѣо ди халкард элун чуд , луди икид ида банги , йидташ маш гирд кихѣт , ат маш рицитѣам , бизнесам ху . Бад потхѣойат вѣи фарденен рицост . Бангийи чухѣт фуken рицост , луди арчоца ривѣоч мурд сут . Потхѣоташ во гапдѣед налакум . Ху халтайи дѣод сич ху йат . Потхѣо луд : царанг ? Бангийи лувч : дис калтакум вѣев дѣод , вѣадѣта ачга найаден . Потхѣо тар вѣазири луд : банги царанг хизмати чуд . Лувчи : дисга хизмати йичай начугѣч . Мардумен кивѣд фуken чам сат . Дев кор ба охир фирипт .

Ас бангиен пехѣт : тунд чиз максад . Йуйи луд мунд йи бебаракат гѣин , йа заргарард чор чи чид , ик ди пундгийум йат . Бади потхѣо фармун дѣод , зарат нахен вѣыз чуд хо , киматбао пухѣокенга вѣирд дакчуд . Ди ху моли зоххѣт ху тар ху мамлакат фирипт . Вѣи чид дис расвѣо . Йа вѣи гѣин вѣахт заргарард чор чугѣч . Йи афтатийи ху авѣли соз чугѣч. Бад судѣч пис ху гѣин . Бади тар заргар мурочиат чугѣч : вѣузум навудат тут му гѣин зохѣч , дак дам . Бади ху гѣин вугѣч тар ху хуна . Йи хѣабат метѣи сур чуд . Йид вѣи гѣин вѣи зарат моли динѣойи вѣинч ху ракосийи чугѣч . Бади лувч : йам икуйатъ вудѣч . Баден ба башандийатъ ху зиндаги чугѣч .

Пинат Пат

Вудѣч навудѣч йи содѣайизор чорат гѣин Пинат Патен виц . Вѣеванд йи ризин виц . Метѣойата йа гулла суд ху дѣен чор вѣам . Йи метѣгайата вѣадѣ тар вѣам хез равѣун сен , йа вѣи гѣин ас вѣи лувд , са аз бозор руган зи ху йа . Йу азамандир андуйч ху туйч тар бозор . Суд тарам ар каструн хуб лап ругани чугѣч ху арам чой наредѣч . Йу бозорчи лувд : во ар йичиз турд кинум . Пат лувч : муча чога нистата мам каструн бунти ки ху дак . Йу бозорчи мис вѣи бокимонда руган вѣам каструн бунтийи чугѣч ху дакчугѣчи ху туйч . Бад руган зезд ху азаманд тизд , йилав чой тиздата йу руган аз вѣам каструн дарунанд вѣохѣт .

Йу начост ху тизд . Суд тар ху чид , йа вѣи гѣин лувд : ар дам дарун мис йасто ? Йа вѣи гѣин вѣи гардѣент , йу ас вѣи бунти мис вѣехѣт . Бад йид нустата , йид ди гѣин гардѣа

даравъ хехът сат ата ас ди ху чор лувд : са аз дишид жиз патевъ ! Сифидъч пи дишид , жизи патевъч ху йатъч ар чид дарун жизи ар кицор чи патевъд , чост хир арам . Йу лувч : лаки йоц аред йаст , девта пизъд . Хубатъи ху чикич чугъч ху хъовч . Ага судъч , хир мадъор . Аз ху гъини лувч : зи дев гардъаенху ти тезди тойдам . Йа вьи гъини чухъч въадъен гал хохъч .

Баден кицор питидъч ху тицен . Азендиен фирипт тар ху ризин чид . Въадъен чухъч иди кицор въев сивдтийат йатен . Въадъен вьи кицор аз въев сивдти питевъч ху йодъчен тар ху чид . Хъаб судъчата въадъен чухъч дис хушруй биреч въев пибир . Лувчен : мадъикен маш ризинанд йаст , мадъга гажд масен . Баден аз кицоранд тър зивъосч ху чи хъевден . Йу вьам чор чухът иди ар куза хъац . Йу лувчи ,маш ризин ди лакчугъч хъинавъари чат аруд . Баден хъиновъари чугъч ху йахен ар вартъ чуд . Баден вьи каш тър чинт ху хъовден ар вьи дарун .

Сараки судат въев ризин чост иди въадъен ар хъир дарун йах чугъч . Азеданден въев вугъч ху чугъчен въев каш . Баден въевард вугъч йи ворч . Въадъен лувч машард даркор нист . Лувчен : ат чиз тамард дакам . Въадъен лувч машард йи ваз дакетата , руганат кола . Дакен въевард чугъч ху въадъен тиц , сицен йи чонди йи римата йи роштвъанак . Вьам римард рушт палатной висен ху тийен . Сен йи чондийи дъийун ширум вьи йивъти хъац тиздата , йивъ кок . Въадъ вьи кок ширумард хъац кинен ху тийен . Тийен , тийен йи вазга рист . Хай йу Пин тар ху гъин лувч : йа мам кагъам , магъзъунчам . Хай йа рози суд , пизъдата , йи чорик йодъд вьи гухът зезд ху хиртата арам цвинцен чам сен . Пинат Пат йаден чухътен ар дек йу гухът нист . Пин лувд : мадъ цвинценен ди гухът хугъч ху жир зездат дидъид вьам деканд йа дек суд дъу бахъ . Азеданд тийен , тийен ху тар ху чид фирапен .

Арай банги

Динйондир потхъойи боадолат вудъч . Йи йори озор надъодъч . Йи метъи хоихъ чуд иди ба сайли тамошойи ху хъар нахътизд . Дам рузанди тамуми ху хъар сайл чуд йичизатъ дигаргунйи навъинт . Факат арай нафари вьинт йиди въеванд пи йичизатъ кор нист .

Потхъо ху чумаи потхъойи тижд ху тар дев арай нафар хез сут . Дадъ одаменен парвъойи замуна навад . Потхъойи въев пехъцч : тамет царангач одамен ? Въадъен чавъоб дъодъч : маша марай банги . Хъаб цифам , руз тамошо кинам . Потхъо пехъцти : тама рози сет въуз тар тама амро сам . Въадъен рози сат . Потхъо пехъцти : таманд чиз унар ? Йивъ ас въев луди : въуз хъаб одам вьинум метъин вьи фамум . Йу йига луди : куд чакт въуз вьи фамум . Йу сейум луди : арцунд зур кулф ца вид , въуз пи вьинди

фирапум йу йет суд . Йивъ ик ас дев бангийенанд ас потхъойи пехъцт : тунд чиз унар ?
Йуйи луд : вьуз тар брут шунч ца дьам , одам аз укми кухъ халос суд .

Хъаб сут бангиенен ху банг пидьид . Въамен тижд , потхъо мис вьевкати банги тижд
ху луди : хер ху унар шич ичро кинет . Йивъ ас вьев луди : маш нур дукондоранд вьи
дукун дьадьам , вьинд башанд мол . Потхъойи луд : тама потхъо хазина дьет .
Бангиенен рози сат . Тойден тар хазина . Куд даравъ чакт сут . Йу йивъ луд : э-ро
потхъо машкати . Йу йигаи куд вьи дьод ху луди : потхъо дига лакихът машкати дузди
кихът . Пи хазина дивиен фирипт . Кулфенен йет сат . Фукатъ зар зенат нахътийен .
Потхъо мис ар ху чебакен тиллот нукра хурд чуд ху андойден ху тойден .

Аз хъарен тар йи дахът нахътойд йи тазаминакти маллаен йет чуд , арамен дед .
Цировьен пидьид , потхъо чухът йиде вьи хазинанди йик дис мол нист йиде ик деванд
ца . Ху банген пидьид , дадь арай нафарен тижд , потхъо каллоби надьод , вьадьен
роат чуд . Потхъо дам хъаби ториканд андуйд ху туйд . Сут тар йи чой ху пухъокени
бидал чуд , потхъойи пухъокени пинуйд хо , ху тахти нуст . Сараки аштод савьорат
аштодга беодам ворчи римод савьет аз йи гухъайи хъаранд йи тазаминаки мала , арай
одам арам . Вьев анчет , вьи мол вьиз кинет ху вет .

Дадь одаменен сат , вьев бангиенен вьев молкати анчувд ху зохътен ху вуден . Потхъо
пехъцти вьев . Йу йивъ ца луди вьуз одам хъабинди цавьинум , метьин вьи фамум .
Луди : Икам потхъо вега маш кати вуд . Йу йивъ вьи вьихъчернкундаи дьод . Потхъо
римод : фукатъ сангсор дев кинет ! Амо йикид во луд : уй потхъо аз ху кавъл
манагъчис . Тут хъаб машкати вуд . Потхъо тар бруген шунч дьод . Кавъли потхъо
йикид вуд . Вьадь бангиенен аз укми кухъ халос сат .

Йику бангийи ца луд : вьуз пи кулфанд йадум ат йу йет суд , потхъойи вьи хурд
хазиабун чуд . Йу йигаи ца луд вьуз куд зив фамум , дарвьозабун сут . Йику йигаи
ца луд вьуз хъабинди одам вьинум , метьин вьи фамум , йу вьазире дасти рост сут .
Йид йида вуд киссайи потхъойи баинсоф .

Хирадманд муйсафед

Йи хъаранд йи потхъо вудъч . Йу потхъо дадь ик ди ху мамлакатандир пир чорик йо
гьиник налакчугъч . Йуданд одам пир сутат йута вьи ар чох патевъдовъ римед .
Ик ди хъаранд дадь йи чувъуни озода зиндагуни кихът . Йу чост иди вьи тат даравъ
пир сид суд , ат йу гидъа руз тар руз заифди суд иди бади чанд вьахта му тат мис
зидовъ римиен .

Рузо вуд иди потхъойи олам ди чувъун тар ху хез кивъд . Ди гидъайанд ди дилард пали гардъд иди муйен мумкин ас руи му тат кивъч . Йид азеданд ху ворд ас пасаканд зивъедъд зинат лачум вьи кихът ху тар пунд дъед .

Фиропт тар потхъо дарго ху ас ворчти хафцт ху дедъд тар вьи потхъо хез . Ди потхъо хезандир дъид ху чизун ху лувд : а потхъойи олам чиз гунойум чугъч ?

Йид потхъо вьи дъустард анчивд ху сифент вьи пи ху хез ху лувд въирд : а пуц , тунд ту тат пир судъчат ца суд иди хъумне тар афагъ йос ху ар чох вьи пите . Йид чавъун азеданд нахътизд ху гамгинат гамгусор тар ху чид равъун суд . Фиропт тар ху чид иди , вьи тат йи кунчаканди ху бук дъодъчат пи вьи нусч . Чост иди вьи пуцанд вьи виругъен гиридоъчат ас вьи пиц зар чакт . Лувчи : а пуц нек вьи , потхъойи чиз авен ту тар ху хез кивъч . ННоилоч ид ди пуц дирд лувд : а тат , ик дисга гап . Хай пуц , потхъойи турд рост лувч , въузум мис пир сут , йос шич му мис ар ввам чох пати . Мунд мис му умр то икедец вуд .

Йид гидъа дадъ андуйч судъч тар въистодъен хез иди тама мурд йи гулла сандук техъет ху дакет . Въадъ въистодъен дадъ йи гуллаят хушруй сандук въирд техъен ху дакен . Йу азеданд ввам зезд ху вирт тар ху чид . Дадъ ик ди ху тат рибизд ди йаксола харч кати арам ху , ху ворчтир ди савъор кихът ху йест пи йи пухъта ди чой кихът . Хубать йодъд ар ху чид ху нитът . Рузо вид иди мардум сарать андизд, чисен ар хъац шулвъа . Въадъ жехъто- жехът сен ху потхъора хабар дъен иди а потхъойи олам ар хъац мест нахътиц . Ди потхъора айрунги въехъч иди йид чиз сирри Худъой вед . Дадъ ху али хирадард йелун чугъч иди въузта шич йивьи тама пехъцум , сутат ца нафамета въузта тама кал сезум . Ик дитири фук мардум пехъцч , йи йорать нафамч .

Рузо вид ди гидъа навъбат йодъд . Йид айрунать рист . Лувд : ик ди дунд мардуми нафамтат , въузта аз ка фамум . Йикедандир ди тат ди байодъ дъед хо , ху диланд лувд : йаст му тат йичиз дар бора иди фамт . Бад гардъд тар потхъо ху лувд : а потхъойи олам, ца суд иди дъу руза ввахт мурд дакин въуз ди башанд фикр кинум . Йид потхъо рози суд ху дъу руза ввахт дирд дакихът.

Йид азеданд андизд ху суд пи ху тат хез . Лувд : а тат , въузум йат иди охирин бор ту въинум . Йаст иди потхъо му кал хъичихътовъ римедат въуз дига ту навъинум . Вьи тат сабаб ас вьи пехъцт . Йу йак ба йак ху татард накл кихът . Лувчи : а пуц ту шич хъумне са ху потхъора лув иди а потхъо дам дарйо пицти чодар патевъет . Сутат йу шулвъа ас тир йа вед , фамет йу дарйо дарун нистат пи ку , ага сутат йу шулвъа ас чодар бир вед , фамет йу дарйо дарунанд . Йид гидъа азед андизд ху йодъд ар потхъо хез . Потхъо ди пехъци : а чивъун , царанг ? Йу тар потхъо гардъд ху ди ху тат гуфта въирд накл кихът .

Йу потхъо азед навъкарен чам кихът ху въевард чодар дакихът ху вьи шулвъа рупару анчивдовъ римед . Въадъ мис вьи гуфта ти кинен . Чисен иди йу шулвъа ас ввам чодар бир найат , ас ввам тир йу . Въадъ андизъен ху йаден потхъора ди вокиа накл кинен .

Йид потхьо ди чавьун тар ху хез кивъд ху лувд . Въуз бовъар накинум иди ик ди фикрийат ту чуд ху лудат мурд ата рост лув дийи чай турд луд . Йид гидъа хъоч дъерт . Лувд : аргун сугата въузта ху тта ца лум йид потхьо та ам му зинтат , ам му тат . Ди авен потхьора ху мункир кихът . Ид потхьойи лувч ага луви лу , ага най въузта шич озирать ту кал ас ту иан чудойум . Лувчи : а потхьойи олам , рост пас турд ца лум , вьам рузат му тат зидовъ му ца римод , въузум вьи назид . Вьирдум сандукат харч чуд ху йодум вьи пи йи пухъта . Ик ди гапум мис ас вьи пехъцтат йуйи мурд луд . Йид потхьойи дадъ римодъч пис ди дод ди . Вьийен вугъч азам ху ба хурсандийатъен зиндаги чугъч . Аз дам рузанди дига потхьо муйсафеден зидовъ наримотъч .

Потхьодуктарат хир шулвѡа

Дар солойи сол , дар вѡахтойи вѡахт виц навиц йи потхьодуктар виц . Аз хушруйи чуунтир ика йивѡать виц . Рузо вид иди вѡам тати лувч : а ризин то цундецатъта ту бе чор риси . Ца суд иди шарт нетъ ху маш йивѡард най йивѡард ту чор дѡадѡам . Ат дам гацанд гал дам дилард чор чид ачатъ навудъч . Йид потхьодуктар ноилоч тар ху тат гардъд ху лувд : а тат ту шич йи мун му мидѡуст риби ху тамуми ччувъунени хѡарард йелун ки йиди ар чидум вѡеванд ар чиз унар ца вед мурд нихъун дъен . Сут ата ар чидум вѡеванд вѡев унар мурд хуш ца йодъд въузта ху мун вьирд дакумат ту ик вьи чувъунард му дѡадъ .

Йид потхьо аз фук мамлакатенатъ ди унармандхел чам кихът ху вирт тар ху ризин хез . Йивъ ас вѡев чувъунен йодъд вьи цемен висчинат нахчирти даравъо подъ вѡедъд , йигайанд йичизга унар . Кутойи мухтасар анчавам иди дадъ чувъуненен йи йорать дамард хуш найат .

Дам тат азеданд гардъд тар дам ху лувд : а ризин , фикрийат чудо ? Лувчи : э тат , сугата ику ожами хир шулвѡа мурд йа вирт , въузта ик вьирд чор кинум . Азедандир дадъ чувъунен ху кал ар ху бир дъен ху тийен .

Йикеданд йи чувъунмард андизд ху пис хир шулвѡа вѡам гацард равъун суд . Йу андизд ху тизд ата вѡам гацард йу хуш йодъд .

Алкисса ди дар мобен лапатъ солен нагъчисенат ас вьи гидъа даракатъ нист . Йид гац ба умедъи вьи ар руз тар бог йодъдат нуд . Йа ик дунд нудиди ас вѡам йухъкенанд кул ба вѡучуд йодъдат амо ас вѡам хисмунч даракатъ нист .

Бойат камбагал

Йи кишлокандир йи бой ху арай гъин катир зиндагуни чугъч . Ата ди юойандир ди амсойа йи камбагали бечора вудъч . Йу камбагалик дадъ ху гъин катир ачатъ дъед начугъч ата йид бой ар руз ху гъинен катир дъед кихът . Ик дис метъ нист иди дадъ ба башандийатъ дам руз нагъзъимбен . Йу бой дадъ фикр кихът иди , чизард аз ди камбагал чид дарунанд доиматъ шинтовъ ата , му чиданд доиматъ дъедат нивъдовъ . Ди сабаб ку чиз вед . Охир , давълат мунд ас динд бидиди . Йид бар му лапатъ бечора , ик ди олаттига во дийат ди гъин шинтовъ ар метъ бар фалак .

Дадъ йи вегайат йид ди ху амсойа тар ху хез кивъд ху лувд : чизард доиматъ аз ту чид дарунанд шинтовъ авъоз нахътизд . Йич рузум нахъудъч иде тот ту гъин дъед кинет . Въуз вим ар руз ху гъинен катир дъедум . Нафамум иди въевард чиз нафиропт . Ата ту шич мурд лув въуз царанг кинум иде ту чиновъ зиндагуни кинум . Йу камбагалики дадъ лувч : мота му гъинта ху бозича катир бозийамат то рухецта шандам .

Йу бой дадъ въам йига метъата андизд ху суд тар бозор . Азамандир йу арай дуна бозича зезд ху бо хуши тар ху чид йодъд иди въузат му гъинента мис шич дига мев бозичаен катир бозийамат , дъедта накинам . Въадъ въи гъинен чисен иди въев чорча арчизцайат йат . Въадъ въи гаргинухъа чам сенат йу лувд : а гъинен , въузум тамард бозичаен вугъч . Шич йадет бози кинам . Бад азеданд дев бозичаен зивъедъдху йивъи девард таксим кихът . Дадъ ди гъинен дадъ дев ху бозичаен чисен ху , въам йивъард дивест иди въам бозича безебат , въам абинанд хушруй , мамард во дивест иди мам бозича безебат въам йигайанд хушруй . Азеданд аравир андизъен ху ди ху чор ти дар дъиен иди чизардат въамард хушруйди бозича вугъчат мурд най ? Кутойи мухтасар , анчавам иди ди ху чорен ху мобайнард въедъч ху чунунчиен ди азоб чугъч .

Йид азеданд андизд ху лувд : лакет му , въуз сам въи падарнаълатард въи бахъ дакум . Йу хуб пунди мурд луд иди кариб му нойен шито чугъчат . Азеданд йига гулла мотъ зезд ху йодъд пи въи камбагал дивийанд иди тарам гал шинт-о-шинт . Дарвъоза дъид бар ху дедъд тарам , йу камбагалат въи гъинен гал нехти нисц ата ху пуцбуцак катир шанден . Йу дадъ йодъд тар въи камбагал хез ху лувд : тут чизард му бозича зехътовъ римод ? Дундикга вудъчат му гъиненен му лукмайи хум чугъчат . Йу камбагал дадъ шунч дъодъч ху лувчи : э бефам , въузум турд налуд иди ту са ху гъиненард бозича харид кин . Ата въузум луд иди мот му гъинта ху бозича кати бозийам . Йам кудақ йима му пиронди ца , йам маш бозича . Маш шинтовъ ар руз ми катир .

Йид бой дадъ ху кал дъид ар ху бир ху андизд ху тизд .